


吳郡志



吳郡志序

初石湖范公為吳郡志成守具木欲刻矣時有求附某事于籍而弗得者因譁曰是書非石湖筆也守憚莫敢辨亦弗敢刻遂以書藏學宮遇按風土必志尚矣吳郡自闔廬以霸更千數百年號稱雖數易常為東南大都會當

中興其地視漢扶馮人物魁倬井賦蕃溢談者至與杭等益益盛矣而舊圖經蕪漫失考朱公長文雖重作亦略是豈非大缺者何幸此筆屬

汲古閣

一

公條章粲然成一郡鉅典辭與事稱矣而流俗乃復揜阨使不得行豈不使人甚太息哉紹定

初元冬廣德李侯

壽朋

以尚書郎出守其先度

支公

嘉言

石湖客也是以侯習知之及謁學問

故驚曰是書猶未刊邪他日拜石湖祠退從其家求遺書得數種而斯志與焉校學本無少異侯曰噫信是已吾何敢不力而書止紹熙三年其後大建置如百萬倉嘉定新邑許浦水軍顧遷移屯等類皆未載法當補於是會校官汪

泰

亨與文學士雜議用褚少孫例增所缺遺訂其
佻譎書用大備而不自別為續焉侯喜曰是不
沒公美矣亦吾先人志也書來屬汝談序余病
謝弗果侯重請曰吾以是石湖書也故敢慫子
而子亦辭乎余不得已勉諾客有問余曰或疑
是書不盡出石湖筆子亦信乎余笑曰是固前
譁者云也昔八公徒著道術數萬言書標淮南
通典亦出衆力而特表杜佑自古如呂氏春秋
大小戴禮曷嘗盡出一手哉顧提綱何人耳余

吳郡志序

二

聞石湖在時與郡士龔

頤

滕

周南

厚三人者

博雅善道古皆州之雋民也故公數咨焉而龔
薦所聞於公尤多異論由是作子蓋亦觀益公
碑公墓乎載所為書篇目可攷子不信碑而信
誕乎且公蚤以文名四方位二府余鄙何所繫
重余特嘉夫侯之不忘其先能畢力是書以卒
公志而不自表顯焉是其賢非余言莫明也抑
余所感則又有大此者焉方公書始出也疑謗
橫集士至莫敢伸喙以白曾未四十年而向之

風波息滅漸盡至是無一存者書乃竟賴侯以
傳是不有時數哉然則世論是非曷嘗不待久
而後定乎此余所以重感也余誠不足序公姑
以是寄意焉其亦可乎否也疑者唯服侯父子
世儒有聞其治吳未朞百陸交舉既上此職方
氏將復刊石湖集與白氏長慶並行而改命漕
湖北矣余故併志以申後觀焉紹定二年十一
月朔汴人趙汝談序

吳郡志序

三

吳郡志門類總目

沿革

分野

戶口稅租

土貢

風俗

城郭

學校

營寨

官宇

倉庫

場務附

坊市

古蹟

封爵

牧守

題名

官吏

祠廟

園亭

山

虎丘

橋梁

川

水利

人物烈女附

吳郡志總目

進士題名

武舉題名

土物

宮觀

府郭寺

郭外寺

縣記

塚墓

仙事

浮屠

方技

奇事

異聞

攷證

雜詠

雜志

吳郡志目錄

吳郡范成大撰

第一卷

沿革

分野

戶口稅租

土貢

第二卷

風俗

第三卷

城郭

第四卷

學校

第五卷

營寨

第六卷

官宇

倉庫

場務附

坊市

第七卷

官宇

第八卷

吳郡志目錄

古蹟

第九卷

古蹟

第十卷

封爵

牧守

第十一卷

牧守

題名

第十二卷

官吏

祠廟

第十三卷

祠廟

第十四卷

園庭

第十五卷

山

第十六卷

虎丘

第十七卷

吳郡志目錄

二

橋梁

第十八卷

川

第十九卷

水利

第二十卷

人物

第二十一卷

人物

第二十二卷

人物

第二十三卷

人物

第二十四卷

人物

第二十五卷

人物

第二十六卷

吳郡志目錄

三

人物

第二十七卷

人物烈女附

第二十八卷

進士題名 武舉附

第二十九卷

土物

第三十卷

土物

第三十一卷

宮觀

第三十二卷

郭外寺

第三十三卷

郭外寺

第三十四卷

郭外寺

第三十五卷

吳郡志目錄

四

府郭寺

郭外寺

第三十六卷

郭外寺

第三十七卷

縣記

第三十八卷

縣記

第三十九卷

冢墓

吳縣志目錄

五

第四十卷

仙事

第四十一卷

仙事

第四十二卷

浮屠

第四十三卷

方技

第四十四卷

奇事

第四十五卷

異聞

第四十六卷

異聞

第四十七卷

異聞

第四十八卷

攷證

第四十九卷

雜詠

第五十卷

雜志

校勘進士 何漳府學學諭劉 九思

校勘迪功郎新廣德軍軍學教授李 起

校勘從事郎充平江府府學教授 汪 泰亨

校勘國學免解進士 李 宏


吳郡志目錄 終

吳郡志目錄

六

吳郡志卷一

吳郡 范成大 撰



沿革

吳古揚州之域也初周大王三子大伯仲雍季歷季歷有聖子昌大王欲立季歷以及昌大伯仲雍乃奔荆蠻文身斷髮示不可用以避季歷荆蠻義之從而歸者千餘家號曰句吳立為吳大伯自大伯作吳五世而武王克商即封其後為二曰虞曰吳後十二世當周惠

汲古閣 正本

王二十二年晉獻公滅虞自武王元年至虞滅合四百七十八年又二世合七十一年至

壽夢而吳益興始通中國壽夢卒子諸樊立

譙周云又名諸樊通

代楚為巢門人射傷卒弟餘祭

側界

及立餘祭卒弟餘昧莫葛反立餘昧卒子僚立

諸樊之子光弒僚自立是為闔廬破楚伐越越敗吳於槁李又敗之於如蘇闔廬傷指而卒子夫差立三年乃伐越以報怨敗之於夫椒棲勾踐於會稽勾踐入臣於吳群臣祖於

浙江上勾踐返國厚獻夫差夫差悅之乃賜書增之以封東至句甬西至檣李南至枯末北至平原縱橫八百餘里舉今四明三衢嘉興等地悉以越十四年越遂入吳十八年又敗吳於笠澤二十一年遂圍吳二十三年滅吳欲以夫差居角東夫差自剄越遂并吳而有其地是時魯哀公之二十二年也勾踐卒傳六世至王無疆凡一百四十餘年楚威王伐越殺無疆盡取吳故地威王曾孫考烈

王以吳封其國相春申君黃歇使其子為假君留吳秦始皇二十五年并天下以吳越地為會稽郡治於吳漢因之領縣二十六項羽封英布為九江王漢改九江曰淮南即以封布十一年布誅立皇子長為淮南王後封兄子濞為吳王以上三國盡得揚州之地吳與會稽皆在封域中景帝四年濞誅乃復為郡治於吳元鼎五年除東越因以其地并屬於此而立東部都尉後徙章安陽朔元年徙鄞

又徙句章順帝永建四年陽羨周嘉一本作周喜
上書以縣遠赴會難求得分置遂以浙江西
為吳郡領縣十三以東為會稽郡會稽還治
山陰按會稽典錄以為是年歲在己巳劉府
君上書也孫皓寶鼎元年分吳郡為吳興郡
晉吳郡領縣十一宋領縣十二元嘉時以揚
州浙江西屬司隸校尉以浙江東五郡立會
州及始平王子鸞初封新安王南徐州刺史
又割吳郡屬之舊經所謂大明七年廢屬南

吳郡志卷一

三

徐者是也八年屬揚州齊不改陳為吳州隋
平陳改曰蘇州以姑蘇山為名大業六年復
為吳州領縣五唐武德四年後為蘇州領縣
四置都督督蘇湖杭暨四州九年罷都督屬
潤州正觀元年隸江南道天寶元年改為吳
郡乾元元年復為蘇州置浙江西道都團練
觀察使管蘇常潤杭湖睦六州復移使額於
潤州而蘇州屬焉乾寧之後屬錢氏吳越國
黃巢之亂錢鏐聚兵淮南楊行密據揚州鏐

奔渡江據蘇州遂定浙西數州光啓三年六合鎮將徐約攻陷蘇州龍紀元年鏐遣其弟鉢討約破走之大順元年七月楊行密將李友誼蘇州九月孫儒圍蘇州十一月誼之殺李友二鏐復平蘇州詔以鏐兼蘇杭等州觀察處置等使乾寧三年楊行密將臺濠陷蘇州五年九月鏐討平之梁開平二年楊行密復圍蘇州三年鏐復討平之廣同光二年昇蘇州為中吳軍晉天福五年割嘉興縣為

吳郡志卷二

秀州 本朝開寶八年改中吳軍為平江軍

太平興國三年錢俶納土 以上沿革以吳越春秋史記漢書晉

書南史會稽典錄十道四蕃志九政和三年國志吳越備史及舊圖經等參修

以 徽廟節鎮之所陞蘇州為平江府

分野

黃帝分星次斗十一度至婺女七度曰須女又

曰星紀於辰在丑謂之赤奮若於律為黃鍾

斗建在子今吳越分野

費直分星次斗十度至女五度為星紀於辰在

丑吳越分野屬揚州

蔡邕分星次斗六度至須女二度謂之星紀大雪冬至居之吳越之分野

陳卓范蠡鬼谷張良諸葛亮譙周京房張衡分星次分壅斗牽牛須女吳越揚州九江入斗一度廬江入斗六度豫章入斗十度丹陽入斗十六度會稽入牛一度臨淮入牛四度廣陵入牛八度泗水入女一度六安入女六度唐一行所分星次分壅南斗牽牛星紀之次也

吳郡志卷一

五

丑初起斗九度

餘千四十二秒十二大

中斗二十四度

一千七終女四度其分野自廬江九江負淮

百八半水之南盡臨淮廣陵至于東海又逾南河得漢丹陽會稽豫章郡西濱彭蠡南涉越州盡蒼梧南海古吳越及東南百越之國皆星紀分也南斗在雲漢之流殷淮海之間為吳分牽牛在南河浸遠故其分野自豫章東大會稽南逾岑徽為越分島夷蠻貊之人聲教之所不洎皆係于狗國

戶口稅租

舊經所記詳矣前漢領縣二十六故戶至二十
二萬口至一百三萬後漢領域十三戶止十
六萬自後領縣浸減又多兵亂戶口亦耗惟
唐天寶元年戶止七萬口至六十三萬皆有
奇然長慶集以為十萬戶此後來增衍也大
唐國要圖云唐朝應管諸院每年兩浙場收
錢六百六十五萬貫蘇州場一百五萬貫觀
此一色足以推見唐時賦入雲盛矣

本朝戶主二萬七千八百八十九元豐三年
戶十九萬九千口三十七萬九千皆有奇號
為甚盛故其輸帛為疋者八萬苗為斛者三
十四萬九千續為兩者二萬五千免役為婚
者八萬五千皆有奇今攷孫覲普明寺記載
宣和間戶至四十三萬中更狄難掃蕩流離
城中幾於十室九空 中興為輔郡涵養生
息六十年矣淳熙十一年戶十七萬三千四
十二口二十九萬八千四百有五苗三十四

萬三千二百五十六石六斗九升六合四勺
五抄夏稅折帛錢四十三萬九千三百五十
六貫四百五十八文上供諸色錢共一百二
十三萬一千二百八貫九百文

土貢

唐之士貢攷之唐書所貢絲葛絲綿八蠶絲緋
綾布白角簞草席鞵大小香杭柑橘藕鮓皮
鮓腊鴨胞肚魚魚子白石脂蛇粟六典又有
紅偏巾蛇床子圖經及九域志圖敘唐貢絲

吳郡志卷一

七

綿絲布八蠶絲朱綾等外又有絲布菱米柑
橘藕燈心席燈心草鞋子口味三十七鮓魚
條鮓魚條魚春子焉二魚條疑即鮓皮鮓腊
春子疑即魚子也大唐國要圖又載蘇州貢
絲絹綾絹鳥眼綾衫段羅紵布折阜布柑子
橘子菱角三書所載不同如此

本朝土貢攷之九域圖所貢坐倚席白塏柑橘
鹹酸果子海味鱖魚肚糟薑元豐土貢錄載

戶部薰橘一萬五千顆

治平四年罷

生絲鞋

皇祐初罷

花蓆二十合熙寧三年罷又云進奏院狀稱見今
逐年進奉土產柑橘糟薑鹹酸果子又云今
別貢葛二十疋白石脂蛇床子各十斤蓆二
十領以上本朝故事今惟遇
聖節貢銀五百兩絹五百疋葛布二十疋



汲古閣

毛氏
正本

八